


木門十四家詩集 中

七

13
907
39



門 4 13
907
卷 39

西山順恭

字健甫對馬州人本阿比留氏有故改西山

春江

江水淡霞中。涵虛萬境空。隔溪聞短笛。傍岸見孤蓬。紅漾桃花浪。綠搖荇帶風。日暄好垂釣。烟柳畫橋東。

郊行

春日遲遲鞋底閑。郊村佳趣隔人寰。遙峯半出青雲際。小瀆斜分壠畝間。竹外無家羣鳥下。松陰有寺一僧還。行吟忽覺渡頭暮。短艇撐來傍柳灣。

中秋走筆奉賡木敬簡公高韻。

木門十四家集

腹藁若干首。相談今夜晴。雲遮千里月。雨滴四簷聲。拋
筆歎無興。對樽聊有情。幸歡騷客訪。吟賞到天明。

疊和白石韻十首

繫馬門前柳。驚飛枝上鶯。莫論盤味乏。茗碗話平生。
懶睡三竿日。夢中聞轉鶯。楚音報詩客。佳趣枕頭生。
無聊羈旅情。求友似黃鶯。唯有騷壇客。來尋太瘦生。
雨後逕苔綠。吟筇起懶鶯。風花唯此友。萬里一書生。
牕暄俱曝背。竹外听嬌鶯。莫笑家蕭索。一壺貯麴生。
何處韶光好。吟遊共對鶯。杖頭曾有蓄。欲是活蘭生。

開羨海鷗睡。榮想喬木鶯。胸中著蠻觸。相省愧吾生。
紫陌花如錦。頻聞處處鶯。詩書長有計。樂事負斯生。
春風紈袴子。金丸競逐鶯。獨憐千里客。鄉思對花生。
借問海棠樹。何日引吟鶯。燒燭護花興。豈無招此生。

賀白石生女

異索設筵湯餅清。君齡於我二年兄。桑孤猶續熊羆夢。
錦悅先看祥瑞呈。韋母受經終父業。班娘讀史振家聲。
謝庭更發閨房秀。異日應聞詠雪名。

馬州浣石亭八詠

岐島晴岳

雨晴千瘴彩虹收。紅日晚天涵海流。州拆東南浮寸碧。
門吞潮汐對層樓。洞庭却壓杜陵句。方丈欲追徐福舟。
一段風烟唵不盡。望迷四十八灘頭。

白城歸帆

殿宇崢嶸海作隣。蘋蘩長采澗之濱。精靈千載紅燈在。
星斗半天丹壁新。潮捲斷磯鷗靜睡。雲籠華表鶴常馴。
數聲欸乃晚來急。帆影斜追落照頻。

立龜秋月

千尋聳立柱青天。形似巨鼈曝背眠。楓渚秋寒崑下寺。
松濤夜駭渡頭船。晴飛高挂玉蟾影。靄斷初消金鴨烟。
絕頂偏疑月宮逼。藤蘿一路欲攀緣。

虎崎漁火

樓頭一夜睡頻醒。遠近前江漁笛聲。火影波間時出沒。
月光山外忽虧盈。歸來都料欲酤酒。退隱不知孰濯纓。
蓼渚楓江天將白。短篷處處入烟輕。

八幡晚鐘

曙山官谷
俱地名。

靈廟何年茲相攸。白雲閑閱幾春秋。千尋揭後曙山月。

甘雨亭詩集
三十四
一帶當前宮谷流。誰買寶鏡來異域。永持霜杵上高樓。
暮天斗覺南柯夢。百八聲中悟四休。

波石夜潮

夷崎南畔虎崎北。巨石築成捍海塘。商客繫舟臨斷港。
漁翁曝網立斜陽。蒼波一色共天接。銀浪千層入夜狂。
鄉夢驚回殘月裏。貔貅百萬戰聲長。

海岸白鷗

浩蕩晚朝望。涯白鷗飛畔。蓼花披浮沈。萬頃烟波濶。
聚散一天水。石隨會得閑。中觀海趣。棄捐囊裡買山資。

向風落日集平岸。知是客船解纜遲。

後山暮雪

黯慘凍雲吼野豕。晚山閑對雪花寒。誰牽謝屐探春信。
自擬陶爐滄月團。危嶺邈迤銀闕聳。橫峰屈曲玉龍蟠。
天機織出鰲頭幌。暫假人間畫裏看。

胡蝶戀花

花面嬋娟解笑時。蝶兒如戀踰牆窺。東風猶惜婚嫁約。
陳陳頻遮粉翅吹。

古寺

古刹半荒廢。綠苔壁上交。虛廊蛛結網。寒殿雀營巢。碑字經年改。佛頭飽雨坳。僧愁宇間漏。欲葺日芟茅。

閨怨

遊子歸期何事違。深閨夜夜夢還稀。合歡花上黃昏雨。腸斷雙鴛傍檻飛。

寄眎味道軒氏五十韻以代簡

大塊一氣開。鴻濛洪鑪鑄。出萬物銅。中有箇靈體。天地不與禽獸草木同。賢愚或因稟賦異。聖哲立教導庶衆。寒衣飢食卽秉彝。曉得自覺天降衷。霜露所墜同胞者。

一理仁貫品彙通。與君當初不相識。蜀日楚雲馬牛風。江武城裏俱爲客。邂逅握手情已濃。不知緣底正如許。本是四海無西東。清標偉然塵外物。昂似鸞鳳凌霄冲。多年游泳洙泗派。深味道腴如吸筍。伯喈一顧待高價。爨下久自抱焦桐。吾州主君春秋富。時遊學圃窺書叢。忽聞盛名存辟召。懷惠不求祿秩豐。忻然提畫懇誘導。細講陳史疑已空。漢家衰運戰鼓動。蠻觸幾年迭振功。說得雄偉驚四座。聳立寰宇在目中。學庸語孟我蘊奧。相繼高談發昏蒙。椒裝復從溫泉行。驛路霜後翻丹楓。

洗心思君脫灑趣。非是世人爲疲癯。風物彼土最奇勝。
借問奚囊幾篇充。我昔嘗探熱海境。逾月江村伴漁童。
七里嶮要東方鎮。吾馬虺隤吾僕窮。行入杉山役夫語。
賴朝起兵苦賊攻。磐石猶認鋒鏑迹。古戰場上膽氣雄。
喬木參天昏白日。處處佳氣亦鬱葱。絕頂下瞰蒼溟濶。
自疑身去登崆峒。關門漸過前路近。一簇翠烟射層穹。
數椽茅屋僦止宿。主人皓眉田舍翁。湯水湧沸隨潮汐。
溫冷和入一槽汎。洞徹不爲玉璞污。絕勝驪山華清宮。
浴去精神日快活。何用丹砂問葛洪。地暖三冬不見雪。
單衣時覺汗正融。峯巒方北繞律峯。多產麋鹿或羆熊。
獵夫尋常磨箭鏃。往往一發中五豸。曲浦圓岸魚蝦窟。
逍遙幾回浮釣篷。此地若許放浪客。不顧應得碧紗籠。
曾遊畧記耿如夢。一二寫清黑頭公。何時再移杖屨去。
語浣詩病競竒工。癖入膏肓無藥石。風花相逐一轉蓬。
妙語驚人吾宿志。壯心竊吞萬丈虹。弄翰吮墨終何事。
清時不用兩石弓。文於斯道未爲貴。自恐小技類彫蟲。
扶策雞林久隣好。舌妙論交持始終。贈答不假兔園冊。
脩文重任責斯躬。潭府僚中得此友。筆鋒聊須試磨礪。

遊學縱未破萬卷。常愧素食腹空。客裏不覺歲云莫。
偏影日日去匆匆。寒威觸發向窮臘。龜縮擁爐閉房櫳。
唵窻若有早梅句。相談一枝勞家僮。懃加盤殮宜保護。
裁楮問安謝飛鴻。

竹間納涼

不堪三伏暑。相避綠筠叢。密葉能遮日。繁枝自動風。脫
衣懸石上。散髮卧林中。閑入華胥國。覺來月在空。

柳原玄輔

字希跡。號篁洲。泉州人。從官在紀藩。

登樓觀日

獨坐層樓上。滄溟欲曙時。乾坤眸裏判。島嶼指頭隨。杲
日翻波出。旭輝排霧披。蠻夷寧在外。臨照自無私。

中秋雨晴

連朝風雨急。明月不辜期。合浦珠還夜。荆山璞剖時。停
盃憐影滿。倚檻惜陰移。坐久空庭寂。梧桐出露垂。

武城見月寄洛陽故人

西風拂檻斂餘暉。巖桂花香斷續聞。月色當天人獨坐。

秋聲滿樹夜初分。庭叢暗滴悲蟲露。海嶠遙橫帶雁雲。
忽憶湖邊携手處。今宵一倍恨離羣。

挽藤懸雲亭主人

雲亭幾度爲詩經。一夜雲飛只有亭。古樹休懸藤萼紫。
杜鵑來叫與誰聽。

春夜偶興寄白石

落日微風坐小亭。昏昏饒睡晚來醒。烟空送雁雲千里。
靜夜移花月半庭。欲盡年芳憐未賞。無窮世事飽曾經。
斯時忽憶離羣久。牀角孤燈照影暝。

走筆柬白石

西山雨歇見秋雲。一片高空度雁羣。忽喜桂花風裏發。
呼童掃徑報君聞。

喜香國實翁二上人見訪

久厭名路塵。恒思方外侶。掃徑聽梵音。擬茗須同煮。樹
陰晝深沈。苔蘚依壞礎。嚶嚶鳥聲多。感之獨延佇。駒隙
歛如流。時逝莫吾與。黃梅今半熟。薰風扇輕暑。偶有山
中人。顧我讀書處。一笑便破襟。寒溫不敢叙。借問別來
詩。瓊瑤幾滿筥。一唱而三嘆。總使我憂紓。兒童喜客來。

羹箏且為黍。物薄情偏厚。聊足資歡語。安知道不同。英
華互含咀。形骸貴相忘。昔聞遠與許。此盟願無渝。時時
趾一舉。

病中感興三十韻

三春經眼過。季夏乍告朔。陰陽如斯駛。人生日彫剝。少
壯能幾時。荏苒莫自覺。老大不期來。顏豈似丹渥。昔者
承讀書。銳意初嚮學。自思遂有成。距知望愈邈。譬之龍
與蛇。赤手終難捉。懼為師友羞。傾河莫能濯。雪案與螢
窻。兀兀勤礱琢。始識天資頑。竟是非美璞。習久不他遷。

可譁
疑字

奮臂猶拮据。行年四十七。術業徒齷齪。頽已獨自憐。體
魄始衰剝。出身仕府朝。微燕傳華桶。到今一紀餘。強健
無撲撲。未嘗旬日疾。竭力恒翬翬。入夏雨淋漓。觸人氣
昏濁。齒牙痛似抽。據牀欲諄服。痰咳相繼發。胸膈楚如
搗。惡風掩北牖。冰炎迭頻數。百億自茲昉。前途想牽確。
拭目書蠅頭。陰雲未開駁。聞見隨得忘。塞江以一堞。所
願應叵償。豈在飲兼啄。文章天地英。言機不盈握。深徹
九回淵。高極萬仞嶽。藻飾至治世。敷陳忠臣慤。千古不
可磨。賁育莫敢角。斯事曩竊志。如今將孰詠。奈何才有

限。多謝先覺卓。

題內園宴游圖

金風瑟瑟天氣爽。內園催宴斤細伏。教坊名妓粧新成。
携手三三又兩兩。森沈後院小閣開。蘭秀菊芳曲池隈。
金蓮輕步遶池去。隱隱痕香一徑苔。松下清陰移錦茵。
巖桂花發襲羅巾。鏡前含笑整雲髻。嬌顏自矜河洛神。
一曲清歌入青雲。絃管調高半天聞。伊州臨州傳新曲。
按譜爭奏日欲曛。蒲萄美酒琥珀杯。墮珥妖姬醉且頽。
濺濺飛泉如碎玉。橋畔帶醉與徘徊。笑他彤管試一揮。
意象間雅風吹衣。水墨淋漓滿縑素。江山萬里暮烟飛。
絳袍玉帶鬚髯美。太平天子參差是。彷彿當時天寶秋。
孰問邊疆既多壘。歡娛未足宵又日。霓裳曲歇鼙鼓亂。
黃屋南奔劔門遙。鳥啼花落蜀道難。

暮春小集

陰雲含宿雨。客到惜餘春。綠樹鳥聲老。黃泥燕嘴頻。蔬
食兼露氣。茗話絕風塵。爲官門偏貴。相逢莫論貧。

賦得花塢夕陽遲

駘蕩春風晚。郊坰策杖時。花明懸落日。水暖亂游絲。曲

塢人歸迥。深林鳥宿遲。孤村遠樹外。靄靄暮雲垂。

初冬偶興

蕭然茅屋晚。歲月促窮陰。種種風吹鬢。悽悽日照襟。霜花頽古徑。凍葉下寒林。素食誰無恥。空懷報國心。

月下落葉

朔吹鳴枯木。寒蟾照屋東。聲乾馳石徑。影淡下霜空。已透林間白。偏添砌際紅。明朝莫掃葉。唯惜歲華窮。

訪香國上人不遇

重來能幾日。夏木總成陰。霽暑催輕暑。微風長嫩林。淨

几香烟絕。虛窓竹影深。倚杖柴門外。孤雲不可尋。

夏夜

高林過驟雨。餘爽滿公樓。竹影偏佳夕。風聲忽似秋。天邊雲漸白。葉末露先稠。偃卧星河下。虛櫺灑氣流。

送愚谷台丈赴大坂城

北堂暫爲別。征馬向西風。望入飛雲白。心馳落日紅。孤鎗秋氣早。百雉月光空。浪速多陳迹。感吟與孰同。

寒月

滿天霜氣凜。片月當牕寒。枯木撐纜上。早梅映始闌。斗

高雲影斷石咽水流難。但有窮年感。淒然袖手看。

歲暮拜謁先師恭靖先生之墓

杖策江城外。寒烟集遠岡。紅翻滄海日。錦碎古林霜。地凍人蹤滑。雲低馬鬣荒。歲晏悲風急。徒倚對斜陽。

哭水口周菴

東來逢此老。千里不空遊。論古常終日。傷離忽恨秋。新墳黃土濕。半嶺白雲愁。因憶携行處。悲風草露稠。

惜春

寥寥兀坐小堂中。一出春光過眼空。墜粉多情終日雨。飛花無迹五更風。馬蹄芳草全披綠。燕嘴香泥半帶紅。幾處園林渾變色。閒愁此際與誰同。

冬夜雨 至後二日

陰雲蔽日暮天催。漸聽風聲送雨來。一室題詩分燭影。千年論事畫爐灰。蕭疎猶入後凋樹。浙瀝潛沾將發梅。至後初知生意動。明朝欲問井泉回。

新綠

衰紅皺白逐春歸。處處園林綠漸微。映日纖條纔布影。含風嫩穎杳流輝。烟垂古驛行人歇。月挂殘更謝豹飛。

最羨科頭崔處士。重陰午靜蓋柴扉。

次韻涵齋詞丈喜洛陽村田通信訪南紀學堂之作。

洛下淳儒最白眉。傳聞昔日已相知。觀瀾偶逐賓鴻後。聽雨姑留落葉時。談論直寓無極理。交情併見數篇詩。山雲海月連牀夜。緬識忘言坐撚髭。

題畫梅

積雪滿空林。溪風吹不起。暗知梅花開。一路寒香是。

癸未元日

臘裏春回早。今朝歲亦新。書生幸無事。不逐馬蹄塵。

記夢

六言

奇石色寒硯裂。古梅香暗紅開。孤床昨夜遊夢。澗道穿林獨回。

九月十二夜小飲

雨霽秋天爽氣寒。金風吹老葉聲乾。窓頭一片梧桐月。靜照清樽至夜闌。

初秋偶興寄南山社兄。

西窓夢破月輪傾。露氣潛侵翠簟清。乍想今宵愁不寐。

高林蕭颯起秋聲。

次韻昌平坂馬上卽事

橋霜有迹馬蹄清。初日欲升宿霧晴。窮目仰高門外路。天邊歷歷土峰明。

信玄贊

新羅世裔甲陽雄。富國強兵尚霸功。詭道終非與國術。猶教謀士仰英風。

春雪

玉屑霏霏欲積難。輕盈壓樹使春寒。微風弄雪飛還舞。爛熳凝華倚檻看。

春光催柳

江城麗日漸遲遲。弱柳含黃欲作絲。弄影東風如有意。慙勤搖曳不停吹。

次韻客中感春之作

晴川泯泯向東流。草色如烟使客愁。那耐他鄉春日暮。飛花滿地獨登樓。

次韻謝惠湖筆絲香

秋雲送雁過江陽。千里寄書到小堂。把筆燈前題句罷。

甘雨亭詩集
爐烟裊裊遶林香。

遇先師忌日作禽言一首以述懷

嘉樹悅鳥性。四來託其陰。棲顛覺天近。啄根知地深。春
花芳郁郁。午影鬱森森。羣集無後先。翱翔忘日沈。豈假
絃與簧。和鳴谷爲音。行人過其下。咨嗟暫相尋。崢嶸貫
四時。歲寒不敢侵。子何歲月多。蒼柯勁如金。一夜盈尺
雪。摧折震遙岑。衆鳥驚飛散。喪止哀曷禁。倏忽七經寒。
彷徨尚傷心。山中豈無樹。亦能忘舊林。二匝棲宿跡。誰
識微物忱。悲號欲何去。叢薄霜凜凜。

南景衡

南部草壽號南山紫
陽人從仕今在越中

擬唐賢大明宮唱和諸什

長樂鐘鳴曙色分。蓬萊佳氣曉氤氳。苑中花柳沾甘露。
伏外樓臺擁慶雲。萬國朝天星斗近。六龍御殿鳳鸞群。
初春往往徵才俊。知是君王重古文。

春日雜咏

其一梅

依稀媿娜峙江村。未受囂塵半點痕。丹霞微薄東風面。
白雪不寒冰月魂。才許松筠爲玉友。若論桃李可金昆。

白雨亭叢書
千古孤山看更好。誰賡芳躅醉清樽。

其二桃

豔陽二月韶光新。灼灼桃花尤可人。繡口錦心傾上國。
綠珠紅拂定前身。粧成猶媚雍熙日。開遍何慚富貴春。
欲向武陵溪口賞。不妨游行悲迷津。

其三杏

生香活色逞精華。半白半紅裁曉霞。池北春寒顰未展。
墻東日暖笑初姘。一枝爭插携花宴。二月移栽賣酒家。
莫怪何郎甘久客。江南梅盡有斯葩。

其四李

後圃連朝甘雨餘。李花一樹放開初。芳姿出俗瓊難比。
素質誇真雪不如。拂檻春風香淡淡。上隄夜月影疎疎。
也知培植在根本。已見成蹊引客車。

除夜詠懷呈雨書記

孤劍一千里。遠游有何功。夙昔餌微祿。羈鳥墮樊籠。不
憚匪躬勞。蹇蹇效愚忠。丈夫在義命。何用膏粱豐。振衣
謝主人。高卧一畝宮。投蹤席未煖。歲月水朝東。再見螢
火點。三值鶯花濃。菽水雖療飢。簞瓢屢苦僮。貧應同陶

甘雨亭叢書
潛宅豈異楊雄。未作乞米書。秉志甘阨窮。古來賢達士。
忍性多磨礱。濁富如可求。原憲戶豈蓬。貧賤他山石。我
玉可以攻。鸞鳳飲澧泉。憇翅碧梧桐。不肯嚇腐鼠。直摩
雲霄翀。况乃遊藝死。未挽兩石弓。豈暗得失機。無如塞
上翁。繙編遡千古。鑑往破羣蒙。虞帝與項王。一目具重
瞳。乃知不世形。聖凡大不同。子房蒲柳姿。籌策蓋蒼穹。
魯連寒賤士。意氣無王公。茫茫古今間。口碑在兒童。奈
何莽與操。天祿竊高崇。象恭矯聖智。授禪欺倥侗。汗青
永貽醜。受誹於庸衆。澆漓重譎詐。周道黍芄芄。羊質與
虎文。薄俗何曹曹。扁倉迹已遠。誰鑿世瞽聵。斯文彌大
壤。不與世污隆。淵源深萬尋。汲取須折衷。我昔少年時。
滿腔客氣充。懷輕千里駒。志吞萬丈虹。滌翰奏末技。操
觚飾彫蟲。盤根與錯節。欲並乎國工。志趣何拘拘。深慙
度不洪。蹉跎如有得。悔悟始冰融。古道在經綸。何求文
字中。讀破座右書。把玩須淵冲。學鞭鞭不及。永矢令厥
終。不羨武陵路。尺五與天通。身世任升沈。遮莫栢舟汎。
羲和何太疾。過眼如飛鴻。故鄉隔幾關。難踰函與潼。遙
思北堂親。慈顏漸減紅。久虧拜家慶。心緒亂鬢髮。明朝

新歲酒。誰獻三呼嵩。願言耿不寐。忡忡萬感叢。江頭天
未霽。同雲曖滿空。繽紛千家雪。觸發萬樹風。風雪一何
惡。料峭逼微躬。剔燈坐殘夜。擁爐閉簾櫳。鐘聲乍殷殷。
曙色正瞳瞳。東陌輶朱輪。南隣嘶翠驄。境誠非我土。都
覺亂遠聰。惟荷館人愛。叨擬在阿戎。

長安春望

惠風駘蕩扇微和。佳氣氤氳五色多。鳩鵲觀前消臘雪。
鳳凰池上起春波。東郊麗日催花柳。南陌香塵鬪綺羅。
卽是長安行樂處。樓臺何處不笙歌。

無題

顛狂隨蝶覓芳過。境似仙鄉小艸多。月下芙蓉慙粉靨。
烟中楊柳妬青娥。裙飄日動金蓮步。曲罷魂消玉樹歌。
自是人間難到處。渾知身世易蹉跎。

牽牛花

玉露連朝潤蔓枝。園林秋色滿踈籬。藥名久識牽牛種。
花信常當織女期。弱質深紅霞稍薄。慵粧頰碧日初移。
曉風一陣方開遍。羯鼓何須爲報知。

中秋

十分皓月滿南樓。光彩射人逼客裘。河漢遙流千里影。
關山不隔一天秋。金風吹樹芙蓉老。玉露侵階蟋蟀愁。
聞道今宵海槎泛。願隨槎上到神州。

中秋賦俚句。贈兩書記卧病。

桂花香發十分秋。萬里長江雪色流。病脚馬卿空對酒。
傷懷王粲懶登樓。枕邊風露謾侵夢。笛裏關山暗卷愁。
一片丹心猶奉主。斗牛伏劔屢回頭。

奉和木詞宗登臨韻

勝地憑高碧水干。捲簾千里對遙巒。半塘荷氣洗襟淨。
四月松濤吹髮寒。燕拾香泥過畫閣。魚貪芳餌上文竿。
登臨聞說題佳句。使我遠成蓬島看。

中秋伏枕有感

頑雲收盡桂光明。露氣如水蘸太清。北海魚龍吹錦浪。
西風鴻雁度金城。江樓却負登臨興。隣笛謾牽感慨情。
憶昔多賢江左飲。華樽曷夜月中傾。

賀白石喬遷二首

明主修文學孔顏。典墳君早透儒關。省中曾受青錢選。
門下新陪玉笋班。雨露恩深須似海。蓬瀛步穩恐非山。

天涯未識神仙府。回首遙望雲氣間。

鴻飛不度隴山雲。驛使傳書信始聞。四海萍蓬誰似我。

百年膠漆獨存君。越禽巢樹常懷土。胡馬臨風永戀羣。

猶辱元王頒醴酒。未從老圃學耕耘。

無用之材逢時不收。多病之人觸物易感。余兼斯

兩者。而官况已索然矣。春日適有懷環翠園。因作

詩以言志十首。

咫尺城中路不賒。竹籬茅舍是吾家。窈窕西嶺多看雪。

圃學東陵半種瓜。羣卉得春私雨露。孤松經年老烟霞。

風光漸近清明節。繞徑應披曲曲花。



百種花園一草堂。中藏書帙與琴囊。生前不負十千酒。

死後何須八百乘。細雨紅桃應委徑。輕烟綠竹定過牆。

縱令靜去非吾土。自笑異鄉為故鄉。

異鄉客跡任飄蓬。何故夢魂馳越中。欲去路連飛鳥外。

思歸身在亂山東。平生才氣慙園卒。每事機關嘆塞翁。

明鏡流年無力駐。歡情託酒醉顏紅。

醉後歡情漸已微。愁心一半憶長崎。百年天地家何在。

萬里鄉關客未歸。世上風波猶是險。花前杯酒莫相違。

浮萍常逐東流水。江雁胡爲向北飛。

江上春來雁幾羣。連飛遙度萬山雲。誰憐叔夜不堪俗。自羨仲連能解紛。徒有寸心懷暗恨。却無尺璧獻明君。多情試倚高樓望。花事闌珊落日曛。

千片花飛春事休。游絲萬丈惹鄉愁。樊禽空抱雲霄志。涸鮒安懷江海流。客裏衰顏驚對鏡。病餘豪氣懶登樓。身逢盛世間何少。野水湖頭媿白鷗。

一池春水白鷗波。曾此誅茅養宿痾。咫尺鄉隣塵事少。東南林壑白雲多。啄花鳥近書窓語。煮茗客環竹塢過。昔事回頭都是夢。他時今日又如何。

今日情懷鬱巨伸。且驚兩鬢漸如銀。雁歸塞北猶爲客。梅發江南暗憶人。萬里浮雲遮白日。五更斜雨送青春。桃花流水知何處。欲逐漁郎試問津。

洞口漁郎我未知。年來官跡永躊躇。人生七十已過半。客路三千常有餘。中夜聽雞增感慨。一時畫虎媿吹噓。文章於世成何補。休謂丹心不負初。

忽覺初心隨日消。一枝今已媿鷓鴣。淡粧久負梨花面。狂態遙憐柳絮嬌。欲見春山常洗竹。愛聽夜雨亦栽蕉。

官游儻得園中趣。到處應須樂箏瓢。

癸未除夜

可惜居諸違。流光挽不來。年從天上改。老自鏡中催。學
乏三餘業。身無尺寸材。明朝新歲酒。恥復對窗梅。

甲申元旦

東風吹雪促新年。景色已回梅柳邊。栢子泛香傳臘酒。
椒花題頌入春聯。映窗日洩三竿暖。通澗泉生數片烟。
且喜兒童頗好學。欲將竹馬代青編。

摘句

松竹含清氣。江山釀暖烟。和元同。

竹色暗浸案。花香晚滿蹊。和韻。

四時花繞徑。中夜月臨堂。和僧。

輕素交雲迷碧岫。浮光帶露擁青巔。暮山晚烟。

千家竹樹明雙眼。萬里山河屬一王。和林豐高元日。

無言不及興亡迹。有酒能鉤錦繡腸。夏日與諸社同。以相對談。文納晚涼。

為起句。

兩地身成花下客。獨居跡託酒中仙。早春寄古硯先生。

橋井泉添春澤徧。杏林花滌曉霞燃。次韻松元。謝見寄。

月色升枝空映水。秋聲入樹早生寒。古槐疎冷夕陽多。

華髮一朝終物故。青山千古為誰新。憶先師。

芳草人家連竹裏。斜陽漁笛振林東。春日江村。

群芳態深烟霞色。衆鳥聲吟富貴春。與鸞峯君飲花前。

愛客常燒連夜燭。耽詩且醉送春樽。和洪園原君。

白日茶烟迷佛榻。黃昏燈火認僧菴。和韻。

玉笙奏罷唯餘月。珠幕鉤殘不見春。荷花。

流水人家芳草徑。斜風漁笛綠楊津。和送春韻。

清時抱病卧蒿萊。不是逢知不復來。和韻首句。

藏鶯葉逐秋風落。帶蝶枝隨夜雨衰。偶田川衰柳。

萬波沸出上池水。五色映回東壁雲。酬中麻兄。

一片湖光浮檻動。幾群鳥語隔林傳。次韻。

香飄几席梨花雪。暖解襟懷楊柳風。和韻。

橘伯陽

兩森東五郎洛人。從官今在對馬州。

呈白石

白石於吾耐久朋。金蘭膠漆意相承。嘗隨玉署新傾蓋。
披霧青天氣泓澄。紛綸經笥竄井春。勃窣理窟壓張憑。
對客揮毫動駭觀。綺語藻思鬱相倚。美如閨女輟鍼語。
快似天馬躡雲騰。藹然春空濕花雨。凜乎寒壑閉陰冰。
極變窮工奪天巧。何啻杜老與王丞。雕篆我昔張螳臂。
文陣雄威角已崩。騷壇歃血時許勇。欲輔君勢如日升。
懶鬼睡魔巧伺間。摩旗陷陣恐未能。我元驍健恃意氣。

飄然雙劍遊五陵。騁馬柳街誇人見。挾彈酒樓攜客登。
一朝悔與木石腐。折節撿身拳服膺。春屋垂帷負烟景。
秋堂誦書親曉燈。心抗范李深相許。學期濂洛強自矜。
微術纔成遽欲售。千里求知虞卿簞。棧山航海備嘗險。
干王謁侯動取憎。囊錐誰復辨毛遂。黑貂裘敝寒稜稜。
桂薪玉炊道已窮。謗將詞賦露斗升。詞賦從前尤疎拙。
下筆凡庸恥幾層。巧匠傍觀啞其笑。志氣摧敗似凍蠅。
因羨君方蓋當世。追隨於我亦何曾。胸襟近覺荊棘塞。
病擁布衾興難乘。蕪詞忘煩欲代簡。書了城鼓曉鑿鑿。

和白石賞梅韻

檻外孤根歲月移。芳魂索莫負佳期。烟霞影動新香萼。
雨露恩深舊瘦枝。堪笑千秋爭秀鬧。由來大器發榮遲。
實成欲獻君王鼎。一任曉風隨意吹。

中秋次南山示韻

良宵伏枕海門秋。空見樓前月色流。風幕誰家催急管。
烟汀何處泛輕舟。橫空雁陣遙窮眼。近榻蛩音偏惹愁。
富貴邯鄲一場夢。不如歸去跨黃牛。

偶作

梧葉滿林凋曉霜。酒空賓散靜高堂。星河影入寒江動。
鴻雁聲連絕塞長。遙夜挑燈添客意。荒村搗杵斷人腸。
由來彈鋏慨慷士。不耐秋風吹敝裳。

歲初奉和平公韻

漢宮仙律入青春。高捲珠簾氣象新。北闕晴雲鳴佩處。
南山瑞靄獻杯辰。鳳含初日筆端起。鶯弄暖陽槎外馴。
何幸彫蟲廁鶴列。恩波同沐使君仁。

紫陌鷄鳴堯代春。黃堂開宴綵霞新。千年龍虎護東海。
萬國衣冠繞北辰。天日清臨五馬動。野禽輕傍雙幡馴。
吾侯元自文章富。澤被黎民一視仁。

東閣招賢道絕倫。况茲才藻逐年新。恩霑珠玉落天日。
興滿芙蓉泛水辰。滄海雲霞宜入詠。蓬萊氣色要添神。
更將新歲朱輪動。爲是婉孌欲祝春。

八郡山川開作舊。九天雨露假恩新。符分禮樂興隆際。
袍賜風雲慶會辰。視膳千秋人飽德。褰帷他日民仰神。
慇懃捧誦郢中調。彩筆誰賡曲裏春。

問友人

君自西京幾日到。清標曾向夢中看。關河馳馬孤雲度。

風雨隨身一劍寒。混俗多年雙眼白。論文此處寸心丹。
滿杯綠酒須相勸。知己相逢從古難。

次大町敦素見贈韻

國恐
知君灑落工詞賦。塵壒更無一點侵。命與仇謀名未達。
蹤隨世去道猶沈。他鄉日月淹萍跡。故園松楸闕客心。
懶性兼慙才氣拙。採薇當入北山深。

用韻

年華寂寂伴閑吟。遠客離憂萬里心。身托明時從性懶。
心懷清隱苦塵侵。東來滄海寒潮濶。西向亂山夕日深。
多少交游情更冷。音書祇見鯉魚沈。

孤客乾坤情叵禁。飛來尺素拂愁襟。幾年懸榻陳蕃志。
一夜登樓王粲心。風動御堤春柳亂。月臨仙掌曉雲深。
海天杳渺長爲客。帝國勝遊何歲尋。

謝白石賜和

清什寫來五色箋。朗吟轉覺奏鈞天。雅風久已委泥土。
知子就中抽玉蓮。

隴頭水

君看隴頭水。分流似別離。年年流不息。不及妾相思。

有客

有客衝寒至。山風逕路斜。開門揖相入。先進一盃茶。

少年行

珠簾繡箔畫橋西。勸醉千鍾客似泥。日暮呼盧猶未散。垂楊陰裏五花嘶。

無題

洛浦瑤姬憶舊遊。雲鬟寶髻玉搔頭。管簫此夕人何處。十二春風明月樓。

寺歸

天風吹袂下崔嵬。盡日談玄心已灰。凋樹霏微歸鳥外。一僧相送過溪來。

夜雨

疎簾燈影濕。人坐雨聲中。漠漠雲低野。冥冥月隱空。祇愁寒渚雁。肯起古潭龍。默思羈魂切。隔林何處鐘。

遊寺

真如幽寂境。俗駕荷逢迎。竹影蔭禪榻。松濤擁化城。談空羣動息。聽唄片心清。况有石泉冷。共誰來濯纓。聞松禎卿充迎聘使。遙有此寄。

鳳綸新寵漢二台。故邀雞林重譯來。青翰九溟衝雁起。
畫簫二月對花催。地連燕市半遊俠。人比鄴都多俊材。
况是曾遊尋勝槩。知君遠役興難裁。

癸亥歲奉役朝鮮。路經雞知村。梅花數株。爛熳可愛。雖歷寒暑。宛在心目。今夜與兒德允。話及曩昔。慨焉久之。

春風識面野村梅。苦竹叢前雪作堆。冷雨荒江身萬里。
夢魂猶覺暗香來。

寄祇南海

五嶼祇夫子。激昂元不羈。窮年唯有酒。開口便成詩。聲
譽龍門並。襟懷鮑叔知。軾軻今尚尔。李廣未為奇。

寒夜江口泊舟

百里帆初落。篝燈影欲空。寒潮終夜雨。落木一船風。戍
客鳴邊柝。舟人候曙鐘。重江半艱險。孰若嘆途窮。

冬曉

清晨霜滿屋。日影上簷初。把筆硯冰結。起來窓下書。

簡白石

星軺聞說駐京陽。彩節錦袍跨驪驄。古寺花深登白閣。

世雨亭叢書
綺筵酒綠醉黃堂。路尋禹穴詩篇富。榮擬龍門姓字香。
欲識邊城多客思。黑貂半破髮為霜。

松權

儀字禎卿。松浦權四郎播州人。從官。今在對馬州。

中秋

滿空華月照高樓。冷色徹肌欲索裘。烏鵲影翻千樹暮。
桂花香動一輪秋。玉簫何處解添恨。濁酒幾杯難掃愁。
同客今宵不須睡。沈吟直達五更頭。

月下聞雁

得聞字。

萬里秋風雁幾羣。數聲新向曉樓聞。回頭欲問故園信。
月落前

白雲。

奉和先生高韻

華館迎君子。淹留及日西。春池湛碧水。午院聽黃雞。梅
馥遙薰客。桃花自作蹊。慇懃主人意。不覺柳邊迷。

和白石見贈蓬萊韻

此地文章曾稱豪。論文終日接英髦。賦成梁苑明珠動。
歌罷鄴中白雪高。賓主俱傾三中酒。交游相報萬金刀。
不材幸託諸公際。何愧談文及敝袍。

昭君怨

皓齒青娥玉頰紅。金鞍細馬向邊風。到來深覺君恩薄。
夢裏何曾見漢宮。

少年行

十二朱樓臨狹斜。春風落日去誰家。解言紅粉花相似。
不識美人全勝花。

舟中作

孤旅依舟楫。汎流聽寒汐。回頭故鄉山。嘯咏明月夕。白
露下空波。了然洗塵襟。客憂徒滿懷。斯夜難爲心。我家
隔滄海。夢竟苦難尋。錦字寄猶未。竚立終到今。誰知心
悠悠。空有愁耿耿。篷底挑孤燈。枕衾冷欲警。月落青山
曙。雲濤天外永。

赤間關

群山橫港口。倚枕眺中流。集浦帆檣密。連村茅屋稠。鄉書猶待雁。旅思不因秋。嘆此官遊子。匆匆何日休。

慈嶋

停舟石路。踈崔嵬。嘆息登臨客。却來隔谷松聲疑。奏笛噴巖潮勢。訝轟雷。近霜柳葉紅猶淡。映日嵐光翠作堆。欲問老源終不在。笑他世外亦塵埃。

望富岳

咫尺蓬瀛便可求。何煩颺馭問丹丘。天迴仙樂聽鳴鳳。壑絕怪松挂卧虬。石髓瓊霜堪駐日。紫芝金草不曾秋。因嘲徐福千年事。未到此間還也休。

早稲田大学図書館

011888006372